

經律異相

才九

四百四十  
靈九

51095



經律異相卷第九

靈

梁沙門 寶唱等撰

外化菩薩部第二

文殊變金光首女令成醜壞一

文殊現身諸刹取鉢弘教二

普賢誓言護五種法師三

淨精進化功德財久忍眾苦四

樹提摩納手出龍象五

普施求珠降伏海神以濟窮乏六

重勝王與女人一處為阿難所譏七

大薩他婆渡海船壞煞身濟眾八

端坐山中鳥孺頂上子未能飛終不



捨去九

入海采珠以濟貧苦十

坐海以救估客十一

從地踊出現長舌相十二

牧牛小兒善說般若義弘廣大乘十三

文殊變金光首女令成醜壞一

上金光首與長者子畏問俱在遊觀園散華

燒香莊嚴伎樂時彼女人觀長者子意以為

足文殊師利

舊經云  
軟首

化此女身應時終亡顏

色變惡眼耳鼻口膿血流出身體臃爛不可

復視青蠅飛來周匝共食時長者子見此女

身變壞如是怖懼不安欲求自歸濟脫是患

當從何所而免斯苦時文殊師利童真威神  
令園樹木自然出讚時長者子聞樹讚頌歡  
喜踊躍善意即生以衣被盛女人死屍棄叢  
樹間而捨之去於是世尊欲以開化彼長者  
子從身放光其明普照竭國界長者子見  
如來威神巍巍生歡喜其天帝釋則在前  
立見長者子而歎之曰年少善緣獲得福利  
乃能見佛時彼年少聞此勸讚即與天帝俱  
詣佛所帝釋天意華用與年少言可取此華  
散如來上散已誓首佛足前住白言今自歸  
佛及法聖衆有放逸女上金光首實與戲樂  
詣遊觀園則於今日顏兒變惡即時壽終捨

諸一切宗室眷屬發大恐懼將無國王推問  
之耶佛言且止時上金光首見長者子已蒙  
開化隨從律教即與伎樂往詣佛所稽首佛  
足退住一面時文殊師利謂長者子曰爲識  
此婦不荅云已知之矣又問云何知乎於是  
長者子報文殊師利而說頌曰

色者如聚沫

痛痒泡起頃

幻相如野馬

吾曉知如是

佛告阿難文殊師利乃往古世勸化此女使  
發道意吾本前世而勸化之使發道意上金  
光首過九十二百千劫當得作佛号寶光明  
長者子當爲菩薩名德光耀其後作佛未滅

度時授德光耀菩薩之決乃般泥洹号曰持

燠

出大淨法  
門品經

文殊現身諸刹取鉢弘教二

有二百天子發菩薩心而未堅固皆欲墮落  
各自念言佛法難得我等今定不學菩薩不  
如取羅漢辟支佛而般泥洹佛知是人可成  
菩薩而意中退佛便化作一迦羅越持百味  
飯滿鉢到佛前而便作禮以鉢上佛佛即受  
鉢文殊師利白言世尊當故報恩舍利弗疑  
即便問佛佛即以鉢捨地其鉢便下沒過  
諸刹直過七十二恒沙等刹土名曰漚阿沙  
其佛号曰光明王今現在世其鉢於彼佛刹

住止空中亦無持者鉢所過諸佛刹其佛侍  
者皆問於佛佛荅言上方有佛号釋迦文鉢  
從彼來救護墮退菩薩意耳佛語舍利弗行  
未鉢來舍利弗即承佛威神自以慧力以萬  
三昧過萬佛刹都不見鉢從三昧起還白佛  
言求之不見復遣目連亦復不見須菩提等  
五百尊者悉不能見彌勒菩薩又不能見令  
文殊師利求鉢文殊師利不起于座即入三  
昧以其右手指地下行過諸佛刹莫不聞知  
所過刹土皆為震動凡諸刹土皆見文殊過  
七十二恒河沙其臂上毛一一毛間有億  
百千光明億百千蓮華一蓮華上有坐菩薩



悉歎釋迦文佛功德聲聞菩薩及以刹土時  
釋迦文放足下光明照下方過七十二恒河  
沙等刹見其光明悉得摩訶三昧文殊師  
利以右手取鉢與無央數菩薩俱來鉢在手  
中作禮授鉢佛謂舍利弗今為汝說過去劫  
事往昔有佛号勇莫能勝有比丘僧名曰慧  
王持鉢入惟致國中分衛得百味飯尔時有  
尊者子名離垢王為乳母所抱在城門上其  
兒遙見比丘而從抱下便往趣之求其飲食  
比丘即以蜜餅授之其兒則食知味甘美隨  
比丘行不顧乳母便隨至勇莫能勝佛所為  
佛作禮而坐一面比丘所以持鉢食與是小

見令其上佛見便授佛佛食隨滿以是遍八  
萬四千比丘及菩薩萬二千人各各皆飽其  
見所持食猶無減損佛以威神令兒歡喜因  
從比丘受五戒法發菩提心見父母求子爲  
佛作禮子白父言我今已得入菩薩法願作  
沙門父母即聽吾等亦爲發心從汝佛言慧  
王比丘文殊師利是其時見者我身是也如  
我身等不可稱數阿僧祇刹土諸佛悉爲文  
殊師利之所發動我等悉蒙文殊師利之恩  
其二百天子即時自念釋迦文佛爲文殊師  
利之所發意自致成佛我等何爲懈怠用是  
念故其心則堅

出阿闍世  
王經上卷

普賢誓護五種法師三

普賢菩薩以自在神通威德名聞與大菩薩不可稱數從東方來所經諸國普皆震動雨寶蓮華作衆伎樂又與無數八部鬼神等大衆圍遶禮釋迦牟尼佛白佛言我於寶威德上王佛國遙聞此娑婆世界說法華經共來聽受唯願世尊當爲說之佛告普賢若有善男子女人成就四法於如來滅後當得是法華經普賢菩薩言若有行立讀誦此經思惟此經若人於此經有所忘失一句一偈大菩薩衆俱詣其所而自現身供養守護安慰其心亦爲供養法華經故還令通利見者歡喜

轉復精進以見我故即得三昧及陀羅尼若  
後惡世中四眾來求索者受持者讀誦者書  
寫者欲修習是法華經於三七日中應一心  
精進滿三七日亦當現其人前而為說法

出法

華經第七卷第

淨精進化功德財久忍眾苦四

過去劫時佛号廣光明

菩薩行經云離垢光

國王之子

名財功德

菩薩行經云業首

時年十六自恃端正自

生憍慢初不向佛恭敬禮拜佛即行籌誰能

教化八萬四千菩薩無受籌者有一菩薩名

淨精進言我能即時大千六反震動便往王

門立王子見之惡言訾毀以土塗面刀杖瓦

石而加其身菩薩亦時不瞋不去心不疲厭  
經一千年受如是苦過二萬歲乃得至彼第  
二門下八萬四千年七日未滿方得至其第  
七門下亦時王子見是菩薩便作是言道士  
今來何所求索即於菩薩生不思議心云何  
是人終經亦時多受衆苦而心不疲厭亦時  
菩薩知王子心已自調伏即便說偈令往詣  
佛亦時王子即捨王位在佛法中出家聽法  
如法而住得無生忍亦時淨精進者我身是  
也財功德者即彌勒是

出大集經第二十六卷又出調伏王子道

心經菩薩行經大同

樹提摩納手出龍象五

樹提摩納在寶藏佛前右膝著地長跪叉手  
前白佛言世尊我今發無上菩提心成就善  
根於三乘法若我所願得已利者令我兩手  
自然而出白色龍象以佛力故其兩手中即  
出龍象其色純白七處到地見是事已告言  
龍象汝等今者可昇虛空去此不遠遍爾此  
界八德香水覺悟此界一切衆生若有衆生  
得遇一滴聞其香氣悉斷五蓋所謂姪欲瞋  
恚睡眠掉戲疑是時龍象在虛空中周旋速  
疾猶如力士善射放箭是二龍象所作諸事  
悉成就已復還來至摩納前任時樹提見之

心大歡喜

出樹提摩納發  
菩提善願經

普施求珠降伏海神以濟窮乏六

昔者菩薩從四姓生墮地即曰衆生萬禍吾當濟之無明無法吾當除其盲聾令之聞見衆聖明軌九親驚曰未聞孩幼而能言斯將非天龍鬼神之靈乎當卜之焉荅曰吾爲上聖之所化懷普明之智非彼衆妖慎無疑矣

言畢即默親曰兒有軋坤弘潤之志將非凡夫乎名曰普施年至十歲佛諸典籍流俗衆術靡不貫綜辭親濟衆布施貧乏親曰吾有最富之上名也亦可恣意對曰不足乞作沙門垂賚法服應器錫杖以斯濟衆生父母聽之周旋教化經一大國國有豪姓亦明衆書

覩其儀容普施心性淡泊淨若天金有上聖  
之表將爲世雄謂普施曰吾有陋女願給箕  
帚荅曰大善須吾還也即附載渡海上岸入  
山到無人處遙覩銀城宮有毒虵繞城七匝  
體大百圍舉首相看普施念曰斯有害心吾  
當興慈虵毒即滅垂首而眠登首入城城中  
天神覩之欣豫曰久服聖德今來翔茲誠吾  
心願願留三旬普施以事委付近臣身受供  
饌時供養畢以明月珠一枚送之曰珠明四  
十里志願若發衆寶滿足若後得佛願爲弟  
子普施曰可即復前行覩黃金城毒虵圍城  
下有四匝巨軀倍前舉首數丈普施復入慈



定地即垂首登之入城中有天人相見歡喜  
曰久服靈耀翔茲甚善願留百八十日吾所  
供養過是辭退天人復以神珠一枚送之明  
耀八十里志之所願衆寶滿中若子得道願  
爲弟子神足無上即復前進觀瑠璃城又有  
毒蛇軀以繞城二十一匝舉首瞑目當彼城  
門復生慈定誓濟衆生毒歇垂首登之入城  
天人欣喜如前請留三時願供所志期竟辭  
退又送神珠明耀百六十里珠之所在衆寶  
尋從滿其明內在志所欲無求不獲子得正  
覺願爲弟子有最明之智曰必獲尔願普施  
得珠乃其舊居海諸龍神僉會議曰吾等巨

海唯斯三珠爲吾榮華道士悉得吾等寧當  
都亡諸寶不失斯珠海神化爲凡人當普施  
前曰吾聞仁者獲世寶可得觀乎即以示  
之神搏手奪取普施曰吾歷險跨海乃獲斯  
寶欲濟困乏反爲斯神所見奪乎曰尔還吾  
珠不者吾竭尔海神曰巨海深廣孰能盡之  
天動作風普施曰吾於錠光佛前願得道力  
反覆衆海指擢須彌震天地移諸刹佛從吾  
志今得之矣今尔鬼物絲髮之力焉能遏吾  
正真之勢乎即併兩足標滌海水投鐵圍外  
遍淨天曰吾昔於錠光佛前聞其志願必爲  
世尊度吾等衆生即下助其滌水十分去八

海神怖曰斯水盡矣吾居壞也即還其珠尋  
路布施所過之國無復貧民處處諸王無不  
改操以五戒十善為國正法開獄大赦潤逮  
衆生遂至得佛普施我身是父者即白淨王  
是母者即吾母舍妙是道士女今瞿夷是時  
銀城中天者今阿難是金城天者目連是瑠  
璃城天者舍利弗是

出度無極集第一  
卷又出賢愚經

重勝王與女人一處為阿難所譏七

阿難白佛憶念我昔入舍衛城見重勝王菩  
薩與女人同床我謂犯穢心用惟慮得無異  
人學梵行者於如來教將無造見聞想念發  
斯語時三千大千世界六反震動時重勝王

菩薩即自踊身住於虛空中去地四丈九尺  
報阿難曰犯禁穢者寧能踊身止虛空乎在  
如來前阿難投身即自悔過如何偏見求大  
龍短佛告阿難彼女人者乃往過去世爲重  
勝王百生之偶宿情未拔貪重勝顏口發誓  
言重勝王若與我願得遂所娛當從其教時

重勝王心知其念晨朝正服入定其室即時  
頌曰

我愚悖於欲 諸佛所不歎 能蠲恩愛者

得佛人中上

時女喜踊即從座起自投于地歸命自責伏  
罪悔過爲重勝王而歎頌曰

吾已離諸欲 世尊之所歎 節止恩愛著

願佛無上道 前心之所想 今自首悔過

傷愍諸羣生 究竟發道意

尔時重勝王授彼女訣轉此女身後九十九

劫當得作佛号離無數百千所受如來出上慧善

上薩經卷

大薩他婆渡海船壞煞身濟衆八

釋迦牟尼佛為菩薩時名大薩他婆當渡大

海惡風壞船語衆賈人捉我頭髮手足當渡

汝等人人捉已以刀自煞大海水法不停死

屍即時疾風吹至岸邊出大智論第四卷

菩薩端坐山中鳥孺頂上子未能飛終不捨

去九

菩薩在山慈心端坐思惟不動鳥孺頂上覺  
鳥在頂懼如墜落身不移搖捨身而行彼處  
不動及鳥生翅但未能飛終不捨去如是自  
知便說此偈  
若能辦此事  
於天人中天  
能不觸繞彼

此德無有上

是故彼世尊

最為第一神

故在道場處

功德皆備具

出僧伽羅  
刹經上卷

入海採珠以濟貧苦十

吾從無數劫以來精進求道初無懈怠自致  
得佛超越九劫出彌勒前我念過去時國人  
貧窮生憐愍心乃欲入海求如意珠衆人大

會望風舉帆詣海龍王從求頭上如意之珠  
龍王聞其欲濟窮士即以珠與時諸賈客各  
各采寶悉皆具足乘船來還海中諸龍及諸  
神鬼悉共議言此如意珠海中上寶非世俗  
人所當獲者云何損海益閭浮利誠可惜之  
當作方計還奪其珠不可失之時諸龍鬼晝  
夜圍遶欲奪其珠導師德尊如意珠力不能  
奪之度海既畢菩薩踊躍住於海邊伍頭下  
手呪願海神以珠繫頸時海龍神因緣得便  
使珠墮海導師感激吾行入海乘船涉難勤  
苦無量乃得此寶當救衆乏於今海神反令  
墮海勅邊侍人捉持器來吾卷海水令至底

泥不得珠者終不休懈即便卷水不惜壽命  
水自然起悉入器中諸海龍神見之懷懼此  
人威勢精進之力誠非世有水不久竭即持  
珠來辭謝還之吾等聊尔相試不啻精進力  
勢如是天上天下無能勝君導師獲寶賚還  
國中使兩七寶以供天下莫不安隱時導師  
者即我身是

出生經  
第一卷

坐海以救估客十一

昔者菩薩與五百商人入海採寶入海數月  
獲寶重載將旋本土道逢飄風雷電震地水  
神雲集四周若城眼中出火波涌灌山衆人  
啼曰吾等死矣恐怖易色仰天求哀菩薩愴



然心生計曰吾之求佛但為衆生耳海神所  
惡死屍為其危命濟衆斯乃開士之尚業矣  
吾不以身血注海惡海神之意者船人終不  
被于岸謂衆人曰尔等屬手相持并援吾身  
衆人承命菩薩即引刀自害海神惡焉漂舟  
上岸衆人普濟船人抱屍號哭曰斯必菩薩  
非凡庸之徒也躡踊呼天寧令吾等命殞于  
茲無喪上德之士矣其言真誠上感諸天天  
帝釋觀菩薩之弘慈帝釋下曰斯至德菩薩  
將為聖雄今自活之以天神藥灌其口中并  
通塗屍菩薩即穌忽然起坐與衆相勞帝釋  
以名寶滿其舟中千倍于前即還本土九親

相見靡不歡悅周窮濟乏惠逮衆生顯宣經  
教開化愚冥其國王服菩薩德詣稟清化君  
仁臣忠率土持戒家有孝子國豐毒歇黎庶  
歡喜終生天上長離衆苦菩薩累劫精進不  
休遂至得佛煞身濟衆者吾身是也天帝釋  
者彌勒是也五百商人者今座中五百應真

是也

出煞身濟估人經  
又出度無極集

從地踊出現長舌相十二

時千世界微塵等菩薩摩訶薩從地踊出一  
心合掌瞻仰尊顏而白佛言我等於佛滅後  
卅尊分身所在國土滅度之處當廣說此經  
我等亦自欲得是真淨之法受持讀誦解說

書寫而供養之。爾時世尊於文殊師利等無  
量百千萬億舊住娑婆世界菩薩及諸聲聞  
人非人等一切衆前出廣長舌上至梵世一  
切毛孔放無量色光皆悉遍照十方世界衆  
寶樹下師子座上諸佛亦復如是。出法華經  
第六卷  
牧牛小兒善說般若義弘廣大乘十三

昔有比丘精進持戒初不毀犯。住在精舍所  
可讀誦。是般若波羅蜜。有聞此比丘音聲。莫  
不歡喜。有一小兒。始年七歲。城外牧牛。遙聞  
比丘誦說經聲。尋聲詣寺。聽聞即解。見大歡  
喜。便問比丘。答不可意。小兒反說其義甚妙。  
昔所希聞。比丘聞之。歎此小兒。乃有智慧。非

是凡人時見即去還至牛所所牧牛犢散走  
入山見尋其迹值虎被害生長者家第一夫  
人作子夫人懷妊口便能說般若波羅蜜從  
朝至暮初不懈息其長者家素不奉法怪此  
夫人謂口妄語呼為鬼病卜問譴崇無能知  
者家中內外皆悉憂惶是時比丘入城分衛  
詣長者門遙聞經聲心甚喜悅即問長者內  
中誰說深經其聲微妙長者報言婦得鬼病  
晝夜妄語口初不息比丘報言此非鬼病但  
說深經甚有義理疑此夫人所懷妊兒是佛  
弟子長者意解即留比丘與作飲食日月滿  
足乃產一男又無惡露其兒適生叉手長跪

說般若波羅蜜夫人產已還復如本如夢寤  
已了無所識長者集僧覩兒說經初無質尋  
是時衆僧各各一心觀此小兒長者問言此  
爲何等比丘荅曰真佛弟子慎莫驚疑好養  
育之此兒後大當爲一切衆人作師吾等悉  
當從其啓受至年七歲悉知微妙與衆超絕  
智度無極諸比丘等皆從受學經中誤脫有  
所闕少皆爲刪定足其所乏兒每出入有所  
至止輒開化人使發大乘長者家室內外大  
小五百人衆皆從兒學發大乘意悉行佛事  
兒所教授城郭市里凡所開發無上道意者  
八萬四千承受弟子者五百人諸比丘聞之

意解志求大乘皆得法眼淨佛告阿難是時  
小兒者吾身是也時比丘者迦葉佛是也  
見聞法  
即解經法

# 經律異相卷第九

孺

而注

濡首

作軟

衣械

得反

痛痒

下音

漚呵

靈

上侯

鳥似

泓

直尼

刪定

所

訾毀

紫上音

掉

戲

上徒

孩幼

哀反

軋坤

貝反

綜

子宋

垂賚

代

淡泊

白反

箕筵

下之

跨

苦化

錠光

音上

定

指擢

濁下音

遏

葛

標

下音

愚悖

下音

反

蠲

俱玄

聊

愴然

初

援

音

殞

上

藟

字下

寮

狀

反

園

反

敏譴崇



